

72032.
:15



蘇東坡詩集注卷第二十二

時序

新年五首

嚴老紹聖三年先生年六十一在惠州即世
白鶴基始營新居故有結茆來此住之

曉雨暗人日

厚荆楚歲時記正月七日
謂之人日以陰晴卜豐耗

春愁連上元水生挑

菜渚

次公世說范宣
後園挑菜傷指

煙溼落梅邨小市人歸盡孤舟鶴

踏翻猶堪慰寂莫漁火亂黃昏

北渚集羣鷺新年何所之盡歸喬木寺分占結巢

枝生物會有役

次公江淹雜擬詩問君
亦何為百年會有役

謀身各及時何當

禁畢弋

厚莊子畢弋之智
多則鳥亂於上矣

看引雪衣兒

海國空自煖春山無限清冰谿紛瘴雨雪菌到江城更待輕雷發先催凍筍生豐湖有藤菜似可敵

四子五十六
尊羹厚先生嘗言豐湖有燕脂藤味滑美大類尊

小邑浮橋外青山石岸東茶槍燒後有師顧渚山記團黃茶有一槍兩

號之麥浪水前空萬戶不禁酒三年真識翁結茆來

此住厚我昱詩結茆同楚客卜築漢江邊歲晚有無同

荔子幾時熟花頭今已繁探春先揀樹買夏欲論

園居士常攜客參軍許叩門明年更有味懷抱帶

諸孫

和子由除夜元日省宿致齋三首

江湖流落豈關天禁省相望亦偶然等是新年未

相見此身應坐不歸田次公張平子有歸田賦

白髮蒼顏五十三家人遙遣試春衫朝回兩袖天

香滿師杜詩朝罷香烟攜滿袖頭上銀幡笑阿咸次公阿咸杜位也甫從子甫於位宅守歲詩守歲阿

咸家銀幡元日所賜者

當年踏月走東風坐看春闈鏢醉翁師歐陽永叔自號醉翁白

髮門生幾人在却將新句調兒童

次韻秦少游王仲至元日立春三首

省事天公厭兩回新年春日并相催殷勤更下山

陰雪要與梅花作伴來厚退之雪間梅詩先期迎獻歲更伴占茲辰

已卯嘉辰壽阿同子由小字同叔元日已卯渠本命也願渠無過亦無功

明年春日江湖上回首觚稜一夢中次公文選班固西都賦上觚稜而棲

金爵注觚稜帝闕之角也子仁杜牧之詩觚稜拂斗極回首上遲遲四朝三十載似夢復非空

詞鋒唯作楚騷寒德意還同漢詔寬續後漢侯霸傳每春下寬大之詔奉

四時之令皆中貞好遣秦郎供帖子盡驅春色入毫端立春翰

供詩帖

元日過丹陽明日立春寄魯元翰

堆盤紅縷細茵陳次公元日作五辛盤巧與椒花兩鬪新續晉劉臻妻陳

氏元日獻厚白樂天詩一見竹竹馬異時寧信老馬戲每思童駿時土牛明日

莫辭春編月令出土牛以送寒氣西湖弄水猶應早北寺觀燈欲及

辰堯卿北寺在潤州上元最盛白髮蒼顏誰肯記曉來頻嚏為何人

次公詩願言則嚏

次韻曾仲錫元日見寄定州作

蕭索東風兩鬢華年年幡勝翦宮花厚荆楚歲時記正月七日為人日鏤

金薄為人以貼屏風亦戴之頭髮又造華勝相遺愁聞塞曲吹蘆管厚後漢蔡琰云胡人卷蘆葉吹之以

作樂謂之胡笳喜見春盤得蓼芽子仁杜甫立春詩春日春盤細生菜吾國舊供雲

澤米定武齋酒用蘇州米君家新致雪坑茶近得曾坑茶燕南異事真

堪記三寸黃柑擘永嘉次公永嘉溫州也出柑

除夜大雪留濰州元日早晴遂行中塗雪

復作

除夜雪相留元日晴相送東風吹宿酒瘦馬兀殘

夢蔥朧曉光開旋轉餘花弄下馬成野酌佳哉誰

與共須臾晚雲合亂灑無缺空鵝毛垂馬駿自怪

騎白鳳次公北夢瑣言曹唐遊仙詩玉詔新除沈侍郎便分茅土領東方不知今夜游何處侍從皆騎白鳳皇堯卿白樂天春雪詩大似

落鵝毛密如飄玉屑三年東方早逃戶連欹棟老農釋耒歎淚

入饑腸痛春雪雖云晚春麥猶可種敢怨行役勞

助爾歌飯甕援山東人埋肉於飯下而食之謂之飯甕

元日次韻張先子野見和七夕寄莘老之

作

得句牛女夕續七月七日牛女二星當會守夜者見天漢中奕奕白氣光耀五色以此為徵也轉頭參

尾中厚月令孟春之月昏參中旦尾中青春先入睡白髮不遺窮酒社

我為敵詩壇子有功續杜牧贈趙嘏詩今代風騷將誰登李杜壇縮頭先夏鼈

見玉川子月蝕詩北方寒龜被蛇縛藏頭入殼如入獄又云寒龜夏鼈一種味且當以其肉充臍實腹鄙秋蟲次公羅隱

蜘蛛賦序蜘蛛秋蟲也致身羅網間莫唱裙垂綠次公永叔詞舞餘裙帶綠雙垂無人臉斷紅

次公元稹鶯鶯序其臉斷紅而已舊交懷賀老續李白憶賀監詩嵇山無賀老新進謝終童

厚終軍傳軍年十八選為博士弟子後為諫議大夫死時年二十餘世謂之終童袍鵲雙雙瑞腰犀一

一通堯祖漢西域傳贊曰明珠通犀之珍注通犀中央色白通兩頭小蠻知在否續白樂天詩楊柳小蠻腰試

問嘒嘒翁次公李林宗字直木嘗謂樂天為嘒嘒翁

立春日小集戲李端叔

白髮已十載青春無一堪不驚新歲換聊與故人

譚牛健民聲喜雅嬌雪意酣厚杜牧之詩雅嬌邨羃羃罪微不到地

和煖要空蠶歲月斜川似次公陶集有游斜川詩自序云辛丑歲三月五日天氣澄和風物閑

美與二三鄰曲同游斜川風流曲水慙厚晉武帝問三日曲水之義尚書束皙曰周公初成洛邑因流水以泛酒又秦昭王

三日上已置酒河曲有金人捧水心之劍乃因其處立曲水祠二漢相沿皆為盛集行吟老燕代坐睡夢

江潭丞掾頗哀援續後漢馬援為隴西太守賓客故人日滿其門諸曹時白外事援輒曰此丞掾之事何足相煩

頗哀老子歌呼誰怕參援西漢曹參為相國相舍後園近吏舍吏日飲歌呼參游園聞吏醉乃反取酒張坐

飲大歌呼與相和衰懷久灰槁縞莊子身若槁木心如死灰習氣尚饒貪白啖

本河朔紅消真劍南次公白啖荔支名也紅消黎名也堯祖一本作熊白來河北豬紅削劍南辛盤

七百五
得青韭次公故事立春日作五辛盤臘酒是黃柑次公黃柑以釀酒乃洞庭春色也歸臥

殘燈帳醒聞葉打菴須煩李居士重說後三三厚宗門統

要無著和尚游五臺到山下遇一老僧問曰此開佛法如何住持僧曰凡聖同居龍蛇混雜無著曰多少眾老僧曰前三三後三三無著和尚罔測

次韻劉景文路分上元

華燈悶艱歲冷月挂空府三吳重時節九陌自歌

舞云子仁周易月幾望遂至一百五續荆楚歲時記曰去冬節一百五日

即有疾風甚兩謂之寒食嘉辰可屈指樂事相繼武今宵掃雲陳

極目靜天宇嬉遊各忘歸闐咽頃未覩飛球互明

滅激水相吞吐老去反兒童歸來尚饒鼓師梁曹景宗應詔分

韻賦詩得競病字即援筆立成云去時兒女悲歸來笳鼓競借問行路人何如霍去病新年暗消雪舊歲添

絲縷師自冬至後日添一線何時九江城惠安潯陽記云其山九壘江亦九派故郡號九江相對

兩漁父予舊欲卜居廬山景文近買宅江州

次韻楊褒早春

窮巷淒涼苦未和君家庭院得春多不辭瘦馬騎

衝雪來聽佳人唱踏莎王昭世傳曲有踏莎行破恨徑須煩麴蘖

次公退之詩高士例須憐麴蘖增年誰復怨羲娥次公退之詩倚撫星象遺羲娥良辰樂事

古難並續謝靈運云良辰美景賞心樂事四者難并白髮青衫我亦歌堯祖盧秉詩青衫白

髮病參軍細雨郊園聊種菜冷官門戶可張羅厚漢翟公罷廷尉門外可設雀

放朝三日君恩重睡美不知身在何

上元侍飲樓上三首呈同列

澹月疎星遶建章厚前漢武帝時柏梁災於是作建章宮度為千門萬戶宮在未央西長安城外僊

風吹下御爐香侍臣鵠立通明殿厚翊聖保德傳云張守真朝玉皇大殿觀其扁

曰通明不曉其旨因焚香告曰通明之誼切所未喻敢祈真教真君曰上帝上升金殿殿之光明照於帝身身之光明照於金殿光明通徹故為通明

一朶紅雲捧玉皇次公翼聖傳載玉帝坐處常有紅雲擁之雖真仙亦不得見其面也

薄雪初消野未耕賣薪買酒看昇平龜父續仙傳許仙平傳云嘗負薪以

而倡自是豐年有笑聲賣挂一壺每醉吟曰負薪朝出賣沽酒日西歸

老病行穿萬馬羣九衢人散月紛紛歸來一點殘

燈在猶有傳柑遺細君侍燕樓上則貴戚爭以黃柑遺近臣謂之傳柑緘前漢東方朔伏日詔賜從官

肉朔獨拔劍割肉大官奏之朔曰婦遺細君又何仁也

上元夜惠州作

前年侍玉輦端門萬枝燈次公端門宣德門也元夕皇帝登端門以宴羣臣 壁月

挂采愚珠星綴觚稜次公前漢天文志日月如合璧五星如連珠又前漢文帝七年六月未央宮東闕采

愚去年中山府老病亦宵興牙旗穿夜市鐵馬響災

春冰次公中山府定州也牙旗府帥之旗鐵馬是定州有之 今年江海上雲房寄山僧

亦復舉膏火松間見層層散策枕榔林林疎月翳

鬢次公枕榔木廣南皆有之其株徹頂而後有葉鬢鬢覆下也 使君置酒罷簫鼓轉松陵

狂生來索酒賈道人也 一舉輒數升浩歌出門去我亦歸

曹騰

上元夜過赴儋守召獨坐有感戊寅歲儋州作

使君置酒莫相違守舍何妨獨掩扉靜看月窗盤

蜥蜴厚爾雅蜥蜴蟻守宮也 臥聞風幔落蚍蜉次公詩蚍蜉在室子

燈花結盡吾猶夢香篆殘時汝欲歸搔首

淒涼十年事傳柑歸遺滿朝衣

追和戊寅歲上元

春鴻社燕巧相違厚淮南子燕春分而來鴈春分而去燕秋分而北鴈秋分而南白鶴峰頭

白版扉次公白鶴峰在惠州白樂天詩書扉高白版石建方欣洗踰厠續前漢石建為郎中

令事親孝謹每五日洗休歸謁親入子舍切問侍者取親巾裙厠踰身自澣洗姜龐不解歎蟪蛄次公後漢廣漢

姜詩妻龐氏事姑至孝東山詩蚺蟻在室蟪蛄在戶一龕京口嗟春夢萬炬錢塘憶

夜歸次公京口潤州也錢塘杭州也合浦賣珠無復有當年笑我泣牛

衣續前漢王章嘗疾病無被臥牛衣中與妻訣泣涕其妻呵怒之曰仲卿京師尊貴在朝廷人誰踰仲卿者今疾病困厄不自激昂乃反泣

涕何鄙也後章官歷京兆欲上封事妻止之曰獨不念牛衣中泣時邪章果上書下獄死妻子徙合浦以采珠致產百萬次公先生嘗自跋云戊寅

上元在儋耳過子夜出余獨守舍作違字韻今庚辰上元已再期矣家在惠州白鶴峰下過子不眷婦子從余此來其婦亦篤孝悵然感之故和前

篇有石建姜龐之句又復悼懷同安君末章故復有牛衣之句悲君亡而喜子存也書以示過看余面勿復感懷

上元夜游絕句

午夜隴隴澹月黃夢回猶有暗塵香縱橫滿地霜
槐影寂莫蓮燈半在亡

春日

鳴鳩乳燕寂無聲次公杜詩鳴鳩乳燕青春深日射西窗潑眼明
醉醒來無一事次公陳後主詩午醉醒來晚只將春睡賞春晴

春夜

春宵一刻直千金花有清香月有陰歌管樓臺聲
細細秋千院落夜沈沈

癸丑春分後雪

雪入春分省見稀半開桃杏不勝威應慙落地梅
花識却作漫天柳絮飛厚退之晚春詩楊花榆莢無才思惟解漫天作雪飛次公謝安與謝道韞詠雪

道韞云未若不分東君專節物故將新巧發陰機次公退之雪詩

柳絮因風起曄曄弄從今造物尤難料更煖須留御臘衣陰機

寒食日荅李公擇三絕次韻

從來蘇李得名雙次公前漢蘇武李陵能詩謂之蘇李唐蘇味道里人李嶠俱以文章顯時號蘇李又蘇晉李嶠

知制誥時號蘇李又蘇頲李又對掌文誥明皇謂頲曰前朝有李嶠蘇味道今有卿及李又亦世不之人只恐全齊笑

陋邦次公李公擇知齊州故云詩似懸河供不辦續郭象傳王衍每云聽象語如懸河瀉水注而不竭

故欺張籍隴頭瀧厚退之詩君乃崐崙渠籍乃隴頭瀧

簿書鼙鼓不知春次公周禮以鼙鼓鼓役事佳句相呼賴故人子仁謝靈運每

於篇章對惠連輒得佳句寒食德公方上冢歸來誰主復誰賓

巡城已困塵埃眯次公莊子播糠眯目則天地四方易位師杜詩塵土汗人眼易眯執朴仍遭

蟣蝨緣次公左氏華元為植巡城禮司空執朴欲脫布衫攜素手次公選詩盈盈樓上女織

織出素手試開病眼點黃連來詩謂僕布衫督役

和子由寒食

寒食今年二月晦樹林深翠已生煙遶城駿馬誰

能借到處名園意盡便但挂酒壺那計盞偶題詩

句不須編忽聞啼鴉驚羈旅江上何人治廢田次公詩七

月鳴

寒食夜

漏聲透入碧窗紗人靜秋千影半斜沈麝不燒金

鴨冷澹雲籠月照梨花

寒食雨二首

自我來黃州已過三寒食年年欲惜春春去不容

惜今年又苦雨兩月秋蕭瑟子仁宋玉云悲哉秋之為氣也蕭瑟兮艸木搖落而變衰

臥聞海棠花泥汙胭脂雪任杜詩林花著雨胭脂落暗中偷負去夜

半真有力續莊子藏山于澤藏舟于壑謂之固矣然夜半有力者負之而走昧者不知也何殊病少年

疾起頭已白

春江欲入戶雨勢來不已小屋如漁舟濛濛水雲

裏空庖煮寒菜破竈燒溼葦那知是寒食但見烏

銜紙君門深九重墳墓在萬里也擬哭塗窮厚晉阮籍率意

獨駕不由徑路車跡所窮輒慟哭而反乎曰然則溺之死灰吹不起援前漢韓安國坐法抵罪獄吏田甲辱安國安國曰死灰獨不復然

上巳日與二三子攜酒出游隨所見輒作

數句明日集之為詩故詞無倫次伯恭先生志林云黃

州定慧院東小山上海棠一株時繁茂每歲盛開時必為置酒已五醉其下矣今年復與參寥及二三子訪焉則園已易主主雖市井人然以余故稍加培治山上多老枳木花白而員香色皆不凡以余故亦得不伐既飲復憩於尚氏之第尚所居竹林花木皆可喜醉臥閣上稍醒聞座客崔成老彈雷琴作悲風曉角錚錚然意謂非人間也晚乃步出城東入何氏韓氏竹園遂置酒竹陰下興盡乃徑歸元豐七年三月初三日也

薄雲霏霏不成雨杖藜曉入千花塢次公莊子原憲杖藜應門柯丘

海棠吾有詩子仁黃州東坡圖柯山四望直南高丘故亦名柯丘東西隅海棠一株甚茂獨笑深林

誰敢侮三杯卯酒人徑醉一枕春睡日停午竹間

老人不讀書留我閉門誰教汝子仁晉王徽之傳吳中士大夫家有竹欲觀之便出出檐藜枳十圍大寫

造竹下嘯咏良久主人掃灑請坐徽之不顧將出主人閉門徽之賞之盡懽而去真素壁千蛟舞子仁東坡圖柯丘南尚氏家有叢枳甚大嘗自為圖之東坡作塘今

幾尺仔塘在東坡雪堂下先生詩會堂作塘徑千步攜酒一勞農工苦却尋流水

出東門壞垣古塹花無主次公杜詩桃花一簇開無主臥開桃李為

誰妍對立鵝鵲相媚嫵開餅藉草勸行路不惜春

衫汙泥土褰裳共過春草亭叩門却入韓家圃仁子

映簾空復小桃枝乞漿不見鷹門女南上古臺臨

斷岸雪陳翻空迷仰俯故人饋我玉葉羹火冷煙

銷誰為煮崎嶇束緼下荒徑子翬前漢蒯通傳云里婦夜亡肉逐婦里母即束緼請火

景盡餘尊却傍孤城得僧宇主人勸我洗足眠倒

牀不復聞鐘鼓次公杜詩睡美不聞鐘鼓傳明朝門外泥一尺始悟

三更雨如許平生所向無一遂茲遊何事天不阻

固知我友不終窮豈弟君子神所予次公詩豈弟君子神所勞矣

海南人不作寒食而以上已上豕子攜一

瓢酒尋諸生皆出矣獨老符秀才在因與

飲至醉符蓋儋人之安貧守靜者也

老雅銜肉紙飛灰萬里家山安在哉蒼耳林中太

白過次公李白詩集有尋城北范居士失道落蒼耳中見范置酒摘蒼耳作鹿門山下德公回續

漢龐德公攜妻子登鹿門山因采藥不返司馬德操嘗詣德公值德公上

豕德操徑入其室命德公妻子速作黍云徐元直當來就此共譚其妻子

奔走供設須臾德公還直管寧投老終歸去厚三國志管寧北入相就不知何者是客也

大亂與邴原王烈等至遼東時避難王式當年本不來援前漢王

者多居郡南而寧居北亦無遷志

共薦詔除為博士既至為江公所辱式恥之謂諸生曰

我本不欲來諸生彊勸我竟為孺子所辱遂謝病免歸

已日木棉花落刺桐開厚吳錄地理志交阯安定縣有木棉樹實如酒杯中有棉如蠶之絲可作

蘇東坡詩集卷之三

布又晉安海物異名記刺桐其花丹其枝幹有刺
花附幹而生其葉如桐其花側敷如掌形若金鳳

上巳日與二子迨過游塗山荆山記所見

龜父雲水經云荆山在南郡臨沮縣東北其頂上一池周四十里步旁有石室桓玄江淹並有詩

此生終安歸旋軫天下半揭來乘櫟廟

謂水乘舟陸乘車泥乘輶山行乘櫟也復作微雨歎

昔自南河赴杭州過此蓋二十二從祠及彼呱

微禹功明德遠矣像設偶此粲

禹妻也詩如秦祖當侑坐

此粲者何夏郊亦薦裸

咨爾費贊禹功其賜爾阜淮海人尚記弧矢旦

游是為伯翳賜姓嬴氏也夏郊亦薦裸

淮南人相傳禹以六月生是日數萬人會荆山碧相照楚水清可亂

和得玉璞而獻之荆厲王使玉尹相之曰石也王以和為謾而斷其左足荆山碧相照楚水清可亂

厲王薨武王即位和復奉玉璞又以為謾而斷其右足及共王即位奉玉荆山碧相照楚水清可亂

璞而哭於荆山中共王聞之乃使人美石肖温贊

理其璞而得寶焉名曰和氏之璧美石肖温贊

玉不受鏡刻取出山龜泉木杪出牛乳石池漫

下輒變色不復温潤龜泉木杪出牛乳石池漫

而甘真陸羽所謂石池漫流者有小兒彊好古侍史笑流汗

石記云唐正元中隨白龜流出小兒彊好古侍史笑流汗

歸時蝙蝠飛炬火記遠岸

天公退之詩黃昏到寺蝙蝠飛炬火記遠岸

夢裏青春可得追欲將詩句絆餘暉酒闌病客惟

思睡蜜熟黃蜂亦嬾飛芍藥櫻桃俱掃地

絲禪榻兩忘機憑君借取法界觀

緬華嚴經法界觀以在日為觀以理無礙一洗人間萬事非

三月二十九日二首

蘇東坡詩集卷之三

文蔚堂

南嶺過雲開紫翠

次公杜牧詩千峰橫紫翠

北江飛雨送

淒涼

子仁韓詩宵

酒醒夢回春盡日

厚李涉詩終日昏昏醉

門隱几坐燒香

厚莊子南郭子綦隱

門外橘花猶的樂牆頭荔子已爛斑樹暗草深人

靜處卷簾欹枕臥看山

首夏官舍即事

安石榴花開寂遲

堯卿博物志張

絳裙深樹出幽菲吾

盧想見無限好

厚陶潛詩吾

客子倦游胡不歸座上一

尊雖得滿

厚孔北海曰座上客常滿

古來四事巧相違

厚謝

曰良辰美景賞心

令人卻憶湖邊寺

垂柳陰陰晝掩扉

次韻朱光庭初夏

堯卿字公琰

朝罷人人識鄭崇直聲如在履聲中

厚前漢鄭崇字子

僕射數諫爭上初納用之每見曳

臥聞疎響梧桐雨

厚孟浩然

梧桐獨咏微涼殿閣風

援柳公權聯句熏風

諫苑君方續

承業

厚南史李承業集

醉鄉我欲訪無功

厚唐王績字無

然一枕誰呼覺牛蟻初除病後聰

厚晉殷仲堪傳父嘗

謂之

端午遊真如遲迺遠從子由在酒局

一與子由別却數七端午身隨綵絲繫

任五月五日以

兵及鬼令人不

心與昌歎苦

次公周禮醢人昌本麋

今年匹馬

來佳節日夜數兒童喜我至典衣具雞黍水餅既

懷鄉飯筒仍愍楚

厚續齊諧記屈原以五月五日投汨羅水

言必一醉快作西川語寧知是官身糟麴同熏煮
獨攜三子出古刹訪禪祖高譚付梁羅梁羅暹
适小名詩律
到阿虎歸來一調笑慰此長齟齬

立秋日禱雨宿靈隱寺同周徐二令

百重堆案掣身閒

師杜甫任華州司功有
早秋苦熱堆案相仍詩

一葉秋聲對榻

眠

次公淮南子一
葉落知天下秋

牀下雪霜侵戶月枕中琴筑落階泉

崎嶇世味嘗應遍寂莫山樓老漸便惟有憫農心

尚在起瞻雲漢更茫然

任詩早既大
甚瞻彼雲漢

七月五日二首

避訪詩尋醫畏病酒入務

師詩尋醫謂不作詩也
酒入務謂止酒不飲也

蕭條北

窗下長日誰與度今年苦炎熱

厚唐文宗聯句
人皆苦炎熱

艸木困

熏煮况我早衰人幽居氣如縷

續杜詩更
深氣如縷

秋來有佳

興秫稻已含露還復此微吟往和糟牀注

厚杜詩賴
知禾黍秋

已覺糟
牀注

何處覓新秋蕭然北臺上

子仁李白詩何處聽
秋聲蕭蕭北窗竹

秋來未云

幾風日已清亮雲間聳孤翠林表浮遠漲新棗漸

堪剥晚瓜猶可餉西風送落日萬竅含悽悵念當

急行樂白髮不汝放

子仁杜詩苦遭
白髮不相放

中秋月三首寄子由

殷勤去年月澌灩古城東憔悴去年人臥病破窗

中徘徊巧相覓窈窕穿房櫳月豈知我病但見歌

樓空撫掌三歎息扶杖起相從天風不相哀吹我

落瓊宮白露入肝肺夜吟如秋蟲坐令太白豪化為東野窮餘年知幾何佳月豈屢逢寒魚亦不睡竟夕相噉嚼厚左思吳都賦沂泗逆流噉嚼沈浮

六年逢此月五年照離別中秋有月凡六年矣惟去歲與子由會於此歌君別

時曲滿坐為悽咽子由有水調歌頭留都信繁麗此會豈輕

擲留都言南京也太祖興王處有留官司故云鎔銀百頃湖天公劉夢得詩洞庭秋月生湖心層波萬頃如鎔銀

掛鏡千尋闊三更歌吹罷人影亂清樾厚樾木陰也歸來

北堂下寒光翻露葉喚酒與婦飲念我向兒說豈

知衰病後空盞對梨栗但見古河東麩麥如鋪雪

欲和去年曲復恐心斷絕

舒子在汶上開門相對清舒煥試舉人鄆州鄭子向河朔鄭

赴北京戶曹孤舟連夜行頓子雖咫尺兀如在牢扃頓起來徐試舉

趙子寄書來水調有餘聲今日得趙杲卿書猶記予在東武中秋所作水調歌頭悠

哉四子心共此千里明天公謝莊月賦美人邁兮音塵闕隔千里兮共明月明月不解

老良辰難合并四顧座上人聚散如流萍嘗聞此

宵月萬里同陰晴故人史生與余言嘗見海賈云中秋有月則是歲珠多而員賈人以此候之雖相去萬里他日

會合相問陰晴無不同者天公自著意此會那可輕明年各相望俯

仰今古情

中秋見月和子由子由自南京寄詩云西風吹暑天益高明月耿耿分秋毫彭城閉門青嶂

合坐聽百步鳴飛濤史君攜客登燕子月色著人如著水筵前不設鼓與鐘處處笛聲相應起浮雲卷盡流金丸戲

馬臺西山鬱蟠杯中綠酒一時盡衣上白露三更寒扁舟明月浮古汴迴首遠巡陵谷變河吞巨野入長淮城沒黃

流只三板明年築城城似山伐木為隄隄更堅黃樓未成河已退空有遺跡令人看城頭看月應更好河流深處今

生草子孫免被魚鼈食歌舞聊寬史君老南都從事老更貧羞見青天月照人飛鶴投籠不能出曾是彭城座上客

明月未出羣山高瑞光千丈生白毫一杯未盡銀

闕湧亂雲脫壞如崩濤誰為天公洗眸子續退之效月蝕詩念

此日月者為天之眼睛應費明河千斛水遂令冷看世間人照

我湛然心不起西南大星如彈丸次公謝眺詩流轉如彈丸角尾奕

奕蒼龍蟠厚盧全月蝕詩東方蒼龍角插戟尾曳風今宵注眼看

不見更許螢火爭清寒何人樣舟臨古汴干燈夜作魚龍變曲

折無心逐浪花低昂赴節隨歌板是夜賈客船中放水燈青熒滅

沒轉山前浪颭風回豈復堅明月易低人易散歸

來呼酒更重看堂前月色愈清好咽咽寒蟿鳴露

草卷簾推戶寂無人窗下唧啞唯楚老近有一孫名楚老南都

從事莫羞貧對月題詩有幾人明朝人事隨日出

續武元衡詩無因駐清景日出事還生恍然一夢瑤臺客次公李公垂鶯鶯歌恍然夢作瑤臺客

九日次韻王鞏

我醉欲眠君罷休續陶潛性嗜酒有酒輒醉每謂客曰我醉欲眠卿且去子仁史記吳王謂孫子曰將軍罷休就

舍已教從事到青州厚桓温有主簿善別酒好者為青州從事惡者為平原督郵青州有齊郡平原有革

縣從事謂到臍下督郵言在臍上住也鬢霜饒我三千丈援李白詩白髮三千丈綠愁似箇長詩律

輸君一百籌師歐陽公歸田錄呂文穆公未第時薄游一縣胡大監旦方隨其父宰是邑遇呂甚薄客有喻胡曰呂工於

詩宜少加禮胡問警句客舉曰抵盡寒燈不成夢胡笑曰乃是一渴睡漢爾呂甚恨而去明年首中甲科寄聲於胡曰渴睡漢狀元及第矣胡曰待

我明年第二人及第輸君一籌既而次榜亦中首選聞道郎君閉東閣續李商隱師令狐楚常呼楚子綸為

郎君綸為翰林學士商隱上謁不見因題且容老子上南樓厚

詩云郎君官貴施行馬東閣無因更重窺相逢不用忙歸

庾亮在武昌諸佐吏殷浩之徒秋夜共登南樓亮忽至諸人起避亮徐曰諸君少住老子於此興復不淺

去明日黃花變也愁

次韻蘇伯固主簿重九

雲間朱袖拂雲和應是長松挂女蘿

援周禮雲和之琴瑟次公李白寄遠

詩三鳥別王母銜書來相過遙知玉窗裏

鬢重不嫌黃菊滿

子仁

杜牧詩菊花須插滿頭歸

手香新喜綠橙搓

次公韓偓詩手香江橘嫩

墨翻衫袖吾

方醉

次公趙壹善草書日一枝筆月數丸墨領袖如阜脣齒皆黑

紙落雲煙子患多

續杜詩揮毫落

紙如雲煙次公張華謂陸機曰人患才少子患才多

只有黃雞與白髮玲瓏應識使

君歌

次公白樂天醉歌云歌罷胡琴掩秦瑟玲瓏再拜歌初畢誰道使君不解歌聽唱黃雞與白日黃雞催曉丑時鳴白日催年酉時沒

腰間紅綬挂未穩鏡裏朱顏看已失玲瓏玲瓏奈老何使君歌了汝更歌

九日次定國韻

朝菌無晦朔蟪蛄疑春秋

續莊子朝菌不知晦朔蟪蛄不知春秋

南柯已一

世我眠未轉頭

援異聞集淳于棼嘗夢至一國曰大槐宮入國王以女妻拜為南柯太守夢中倏忽若度一世及覺

而理之乃宅南大槐樹下蟻穴也

仙人視吾曹何異蜂蟻稠不知蠻觸

氏自有兩國憂

續莊子有國于蝸之左角者曰觸氏有國于蝸之右角者曰蠻氏相與爭地而戰伏尸百萬

我

觀去來今

次公維摩經天女曰皆以世俗文字數故說有二世非謂菩提有去來今

未始一念留奔

馳竟何得而起無窮羞王郎誤涉世屢獻久不酬

黃金散行樂清詩出窮愁俛仰四十年始知此生

浮

續莊子其生若浮

軒冕陳道路往往兒童收封侯起大第

或是君家驕

次公前漢李廣言廣之軍吏士卒或取封侯冕唐人作郭汾陽詩咸陽原上英雄卒半在君家養馬來

似聞負販人中有第一流炯然徑寸珠藏此百結

裘

子仁董威輦在洛陽時出入於市得殘繒帛輒結以為衣號曰百結裘

意行無車馬

次公劉禹錫詩意行

無舊路

倏忽略九州邂逅獨見之天與非人謀笑我方

醉夢衣冠戲沐猴續前漢項羽傳董生曰人謂楚人沐猴而冠果然力盡病騏驎次公杜詩

草黃騏驎病伎窮老伶優次公荀子廳鼠五伎而窮北方有雲根寸田自可

耨援黃庭內景云寸田尺宅可理生會當無何鄉同作逍遙遊次公莊子內篇逍遙

遊歸來城郭是空有纍纍丘程續搜神記遼東華表柱上有鶴言曰有鳥有鳥丁令威

去家千歲今來歸城郭猶是人民非何不學仙家纍纍

丙子重九二首

三年瘴海上越嶠真我家登山作重九蠻菊秋未

花惟有黃茆浪堆隴生坳窠蠶酒孽眾毒酸甜如

梨榼何以侑一尊鄰翁饋鼃蛇亦復彊取醉謹謠

雜悲嗟今年吁惡歲僵仆如亂麻厚前漢天文志秦以兵內兼六國外攘四夷死人如

亂次公杜甫重九詩明年此會知誰健醉把茱萸子細看狂風卷朝霞使我

如霜月孤光挂天涯西湖不欲往莫樹號寒雅

窮塗不擇友過眼如亂雲餘子誰復數續後漢禰衡曰大兒孔文舉小

兒楊德祖餘子碌碌不足數坐閱兩使君共飲去年堂俯看秋水紋

厚古樂府渡遼本自有將軍寒風蕭蕭生水紋此水與此人相追兩泫泫次公退之詩浪波泫

老去各休息造物嗟長勤佳哉此令節不惜與

子分何以娛我客游魚在清澗水師三百指次公史記僮手

指鐵網欲掩羣厚禮記大夫不掩羣獲多雖一快買放尤可欣

此樂真不朽明年我歸耕

九日袁公濟有詩次其韻

古來靜治得清閒我媿真長也一班舉酒東榮挹

江海回尊落日勸湖山平生傾蓋悲歡裏早晚抽

身簿領閒笑指西南是歸路倦飛弱羽久知還

九日黃樓作

去年重陽不可說南城夜半千漚發水穿城下作
雷鳴泥滿城頭飛雨滑黃花白酒無人問日莫歸
來洗鞞韞豈知還復有今年把盞對花容一呷莫
嫌酒薄紅粉陋終勝泥中千柄鋪黃樓新城僻未
乾青荷已落霜初殺朝來白露細如雨南山不見
千尋刹樓前便作海茫茫彦章水玄虛海賦茫
茫積流合形內虛樓下空聞
櫓鷓輒薄寒中人老可畏師宋玉九辨憫悽增
秋兮薄寒之中人熱酒澆腸
氣先壓次公退之詩數杯澆腸雖
暫醉皎皎萬慮醒還新煙消日出見漁邨次公柳
子厚詩
遠水鱗鱗山巖巖次公郭璞詩潛波渙鱗
起巖五轄反齒缺也詩人猛
煙消日出
不見人

士雜龍虎

坐客三十餘人皆知名之士次公
崔班灼灼歌坐中之客皆龍虎

楚舞吳歌亂鵝

鴨

子仁李白詩吳歌楚舞歡未畢青山欲銜半邊
日次公李愬夜入蔡州擊鵝鴨池以亂軍聲

一杯相屬君勿

辭

次公退之詩一
杯相屬君當歌

此境何殊泛清雪

次公雪溪
在湖州

九日邀仲屯田為大水所隔以詩見寄次

其韻

無復龍山對孟嘉

援晉桓溫與孟
嘉九日宴龍山

西來河伯意雄誇

續莊

霜風可使吹黃帽

厚史記鄧通傳櫂船者
為黃頭郎徐廣曰著黃

帽

尊酒那能泛浪花

任杜甫詩閃
閃浪花翻

謾遣鯉魚傳尺素

却將燕石報瓊華

續列子宋之愚
人得燕石以為

醉

何時得見悲秋老

續宋玉曰悲哉
秋之為氣也

裏題詩字半斜

裏題詩字半斜

次韻張十七九日贈子由

千戈萬槊擁笮籬

援晉史傳咸勅事云令史張濟案行城東有新立屋間笮籬障二十丈

九日清

尊豈復持

是日南都

官事無窮何日了

厚晉傳咸傳楊濟與咸書曰天下大器

非可稍了而相觀每事欲了生子癡了官事官事未易了也了事正作癡復為快耳

菊花有信不吾欺

遙瓊館真堪羨取次塵纓未可縻迨此暇時須痛

飲

子仁詩云迨我暇矣飲此醅矣安國杜詩痛飲真吾師

他年長劔拄君頤

續田單攻狄不能下齊兒謠曰

大冠如箕長劔拄頤攻狄不下累於梧丘次公李白詩何必攜長劔拄頤事玉階

次韻王庭老和張十七九日見寄

霜葉投空雀啁籬上樓筋力彊扶持對花把酒未

甘老膏面染須聊自欺

堯卿劉夢得詩近來時世輕先輩好染髭須事後生

無事亦

知君好飲

厚史記陳軫謂犀首曰公何好飲也曰無事也曰吾令公厭事可乎

多才終恐世相

縻請看平日銜杯口

子仁杜詩生前相遇且銜杯

會有金椎為控頤

厚莊子儒以詩禮發冢大儒臚傳曰東方作矣事之若何小儒曰未解裙襦口中有珠詩固有之曰青青之麥生於陵陂生不布施死何含珠為儒以金椎控其頤徐別其頤無傷口中珠

冬至日與諸生飲

小酒生黎法

厚國朝會要今儋崖萬安皆與黎為境其服屬州縣者乃熟黎其居山洞無征者為生黎

乾糟

瓦盎中芳辛知有毒滴瀝取無窮凍醴寒初泫春

醅煖更饒華夷兩尊合醉笑一歡同里開峨山北

田園震澤東

次公峨山在眉州震澤在常州

歸期那敢說安訊不曾通

鶴髮驚全白犀圍尚半紅愁顏解符老壽耳鬪吳

翁得穀鵝初飽亡貓鼠益豐黃薑收土芋蒼耳斫

霜叢

子翬唐王寔山居要錄云收蒼耳法取未經霜者

兒瘦綠儲藥奴肥為種菘

頻頻非竊食

次公揚子頻頻之黨甚於鷺斯亦賊夫糧食而已

數數尚乘風

續莊子列子御

風而行其於致福者未數數然也

河伯方夸若

援莊子秋水河伯順流而行至於北海東面而視不見水端於是河

伯始旋其面目望洋向若而歎曰野語有之曰聞道百以為莫己若者我之謂也

靈媧自舞馮

厚楚辭遠遊篇使湘

靈鼓瑟兮令海若舞馮夷又司馬相如大人賦使靈媧鼓瑟而舞馮夷

歸塗陷泥淖炬火燎茆

蓬邨上王文度

續晉王坦之字文度父述愛之雖長大猶抱置邨上

家傳張長公

次公史記

張釋之為廷尉不阿守法景帝時為太子釋之劾不下公車後事景帝歲餘為淮南王相猶尚以前過也久之釋之卒其子曰摯字長公官至大夫

竟以不能取容當世故終身不仕

和詩仍醉墨戲海亂羣鴻

厚智果師論王義之書如羣鴻

戲海

殘臘獨出二首

幽尋本無事獨往意自長釣魚豐樂橋采杞逍遙

堂羅浮春欲動雲日有清光處處野梅開

厚杜詩江路野梅香

家家臘酒香路逢眇道士疑是左元放

厚神仙傳左慈字元放徐隋有

道術居丹徒慈過之隋門下客欺慈云徐公不在慈便去客即報徐公有

一老翁眇目吾見其不急之人因欺之云公不在矣公曰咄咄此是左公

我欲從之語恐復化為羊

厚曹操忌左慈欲殺之慈走入羊羣操知不可得乃令就羊中

告之曰不復相殺本試君之術耳忽有一老羝屈前兩鄰人立而言曰

遠如許即往赴之而羊數百並屈鄰人立云遠如許遂莫知所取焉

江邊有微行

次公詩遵彼微行 詰曲背城市平湖春草合步

到棲禪寺堂空不見人老穉掩關睡所營在一食

子仁陶詩傾身營一飽少許便有餘 食已寧復事客來豈無得施子靜埽

地風松獨不靜送我作鼓吹

除夜野宿常州城外二首

行歌野哭兩堪悲遠火低星漸向微病眼不眠非

守歲鄉音無伴苦思歸重衾腳冷知霜重新沐頭

輕感髮稀多謝殘燈不嫌客孤舟一夜許相依

南來三見歲云徂直恐終身走道塗老去怕看新

曆日退歸擬學舊桃符續漢制大儺歐除畢立桃木板於門畫神荼鬱壘以禦凶煙花已

作青春意霜雪偏尋病客須但把窮愁博長健不

辭最後飲屠酥厚崔寔四民月令元旦進椒柏酒次第從少至老今屠酥其遺意也堯卿屠酥草菴也古人居菴作

酒因以爲名

歲晚相與饋問爲饋歲酒食相邀呼爲別

歲至除夜達旦不眠爲守歲蜀之風俗如

是予官於岐下歲莫思歸而不可得故爲

此三詩以寄子由

饋歲

農功各已收次公左傳妨於農收歲事得相佐次公殷武詩歲事來辟左傳以相輔佐爲

歡恐無及假物不論貨山川隨出產貧富稱小大

寘盤巨鯉橫發籠雙兔臥富人事華靡綵繡光翻

座貧者媿不能次公王符潛夫論浮侈篇富者競欲相過貧者恥不逮及也微摯出春磨

次公微摯微官居故人少里巷佳節過亦欲舉鄉風

獨唱無人和

別歲

故人適千里臨別尚遲遲次公莊子適千里者三月聚糧人行猶可復

歲行那可追問歲安所之遠在天一涯次公選詩各在天一涯已

逐東流水赴海歸無時堯卿古樂府百川東到海何時復西歸東鄰酒初熟

西舍彘亦肥且爲一日歡次公列子舜禹周孔四聖人者生無一日之歡死有萬世之名堯卿謝靈運

運詩且盡一日娛慰此窮年悲勿嗟舊歲別行與新歲辭去
去勿回顧還君老與衰

守歲

欲知垂盡歲有似赴壑蛇脩鱗半已沒去意誰能
遮况欲繫其尾次公晉惠賈皇后云繫狗當繫頸今反繫其尾雖勤知奈何兒童
彊不睡相守夜誼譁晨雞且勿唱更鼓畏添榻坐
久燈燼落起看北斗斜明年豈無年心事恐蹉跎
努力盡今夕少年猶可誇子仁樂天詩猶有誇張少年處笑呼張丈喚殷兄

蘇東坡詩集注卷第二十二

蘇東坡詩集注卷第二十三

寺觀

海會寺清心堂

沈無量壽佛閣西北法照大師房舊有石刻今亡

南郭子綦初喪我

續莊子南郭子綦曰今者吾喪我汝知之乎

西來達磨尚求

心厚傳燈錄慧可謂達磨曰我心未寧乞師與安師曰將心來與汝安曰覓心了不可得師曰與汝安心竟師達磨西來不立文字直指人心見

性悟此堂不說有清濁遊客自觀隨淺深兩歲頻為

山水役一溪長照雪霜侵紛紛無補竟何事慙媿

高人閉戶吟

洞霄宮

特晦真憶錄杭州餘杭縣西一十八里有天極山宮曰洞霄舊名天柱觀

上帝高居愍世頑

續退之哭孔丞詩天公高居鬼神惡

故留瓊館在凡間

青山九瑣不易到作者七人相對閒庭下流泉翠

蛟舞洞中飛鼠白雅翻

厚李白詩仙鼠如白雅序云荊州玉泉寺近清溪諸山洞往往有乳窟窟中

多玉泉交流中有白蝙蝠大如雅按仙經蝙蝠一名仙鼠千歲之後體白如雪棲則倒懸

長松怪石空霜鬢不

用金丹苦駐顏

秀州僧本瑩靜照堂

鳥囚不忘飛馬繫常念馳靜中不自勝不若聽所

之君看厭事人無事乃更悲

子仁史記陳軫謂犀首曰公何好飲也曰無事也軫謂曰吾令

公厭事可乎

貧賤苦形勞富貴嗟神疲作堂名靜照此語

子謂誰江湖隱淪士豈無適時資老死不自惜扁

舟自娛嬉從之恐莫見况肯從我為

衆妙堂

甄先生有記云眉山道士張簡易教小學常百人予從之三年謫居南海一日夢至其處其徒誦老

子曰玄之又玄衆妙之門余曰妙一而已容可衆乎道士笑曰一已陋矣何妙之有若審妙也雖衆可也

湛然無觀古真人我獨觀此衆妙門夫物芸芸各

歸根

厚老子夫物芸芸各歸其根

妙中得一道乃存道人晨起開東

軒趺坐一醉扶桑暎

子仁楚辭暎將出兮東方照吾檻兮扶桑東方有扶桑之木其高萬仞日下浴於暘

谷上拂於扶桑也

餘光照我玻璃盆倒射窗几清而温欲收

月魄餐日魂我自日月誰使吞

厚黃庭經注吞日氣法常以日初出時東向叩齒九

通呪畢瞑目握固存五色流霞來接一身於是日光流霞俱入口中吞月法常以月初時西向叩齒十通呪畢瞑目握固存月色精光俱入口中能修此道則奔日月之神仙也任

道家言人身中自有日月

虔州景德寺榮師湛然堂

卓然精明念不起

次公楞嚴經曰妙精明心又曰精明靜妙

兀然灰橐照不滅

方定之時慧在定定慧照寂非兩法

次公楞嚴經言因戒生定因定發慧又云淨極

光通達寂照含虛空

妙湛總持不動尊默然真入不二門

任維摩經言文

殊師利問維摩詰何等是菩薩不二法門時維摩詰默然無言文殊師利歎曰是真入不二法門也語息則默非對

語此話要將周易論子仁易復卦注云凡動息則靜靜非對動者也語息則默默非對語者也諸

方人人把雷電不容細看真頭面欲知妙湛與總

持更問江東三語掾任晉王戎問阮瞻曰聖人貴名教莊老明自然其旨同異瞻曰將無同戎咨嗟良久

即命辟之時人謂之三語掾

寒食與器之遊南塢寺寂照堂

項杭州圖經梵天寺在鳳皇山

乾德中吳越王錢氏建舊額南塢寺治平中改今額

城南鐘鼓鬪清新端為投荒洗瘴塵總是鏡空堂

上客次公先生有和聰上人詩一悟鏡空老始知圓澤賢誰為寂照境中人次公楞嚴經湛然寂照

紅英埽地風驚曉綠葉成陰雨洗春記取明年作

寒食杏花曾與此翁鄰子仁退之杏花詩云居鄰北郭古寺空杏花兩株能白紅明年更發應更好道

人莫忘鄰家翁

留題延生觀後山上小堂

次公觀後上小山有堂是唐玉真公主修道遺

迹堯卿本朝端拱元年十月十八日奉敕賜此名額

溪山愈好意無厭上到巉巉第幾尖深谷野禽毛

羽怪上方仙子鬢眉纖楊杜詩上方重閣晚不慙弄玉騎丹鳳

續蕭史善吹簫秦穆公以女弄玉妻焉遂教弄玉吹簫作鳳鳴鳳皇來止其屋公為作鳳臺一旦弄玉乘鳳蕭史乘龍昇天而去應逐

嫦娥駕老蟾援羿得不死之藥於西王母嫦娥竊之奔月託身月中月有蟾蜍之象焉澗草巖花

自無主晚來胡蝶入疎簾

樓觀

秦始皇立老子廟於觀南晉惠始修此觀

門前古碣臥斜陽閱世如流事可傷子仁劉禹錫詩閱世甚東流長

有幽人悲晉惠彊修遺廟學秦皇丹砂久窖井水

赤續抱朴子曰臨邑縣有廖氏世老壽後移子孫輒殘折他人居其故宅復累世壽疑其井水赤乃掘井左右得古人埋丹砂數十斛丹汁

入井是以飲水而壽白木誰燒厨竈香次公陶隱居引仙經云木能除惡氣聞道神仙亦相

過只疑田叟是康桑厚莊子老聃之役有康桑楚者徧得老聃之道北居畏壘之山

自清平鎮遊樓觀五郡大秦延生仙遊往
返四日得詩寄子由同作

樓觀次公崇勝觀也乃尹喜舊宅俗謂之樓觀

鳥噪猿呼晝閉門寂寥誰識古皇尊青牛久已辭

轅軛續別說老氏乘青牛薄板車白鶴來時訪子孫援續搜神記遼東華表柱上有鶴集其上言曰

有鳥有鳥丁令威去家千歲今來歸山近朔風吹積雪堯卿古樂府朔風吹積雪天寒落日

澹孤邨道人應怪遊人衆汲盡階前井水渾續杜詩淘米少

汲水汲多井水渾

五郡

古觀正依林麓斷居民來就水泉甘亂溪赴渭爭

趨北飛鳥迎山不復南羽客衣冠朝上象野人香

火祝春蠶汝師豈解言符命山鬼何知託老聃觀有明皇

碑言夢老子告享國長久之意萬大年楚辭有山鬼之章又史記始皇曰山鬼不過知一年事

大秦寺

晃蕩平川盡坡陀翠麓橫忽逢孤堦迴獨向亂山

明信足幽尋遠子仁李太白詩幽尋無前期乘興不覺遠臨風却立驚原田

浩如海滾滾盡東傾次公杜詩不盡長江滾滾來

授經臺乃南山一峰爾非復有築處

劍舞有神通草聖援張旭善艸書自言始見公主與擔夫爭道而得筆法觀公孫大孃舞劍器而通神次公

張芝草書精切韋仲將以為州聖海山無事化琴工援樂府解題言水仙操曰伯牙學琴於成連先生乃

與俱遊蓬萊山留伯牙曰子居習之吾將迎師刺船而去旬日不返伯牙

迎望但見海水入洞山林冥杳鳥獸悲號歎曰吾師將移我情乃援琴而

歌曲終成連刺船迎之與還遂為天下妙堯卿南史宗少文南陽人善琴

書圖畫精於名理每遊山水往輒忘歸乃於江陵立宅閒居無事因結宇

衡山欲懷尚平之志有疾還江陵歎曰老疾俱至名山恐難徧唯澄懷道

觀臥以游之凡所遊履皆圖之於室謂之曰撫琴動操欲令眾山皆響

此臺一覽秦川小字仁杜詩會當臨絕頂一覽眾山小不待傳經意已空

次公按列仙傳尹喜既見老子授之五千言喜退而書之名曰道德經

遊金山寺高圖經金山龍游寺屹立江中為諸禪刹之冠舊名澤心梁武帝天監四年親臨澤心寺設水

陸會聖朝天禧初真宗夢游此賜今額

我家江水初發源宦遊直送江入海次公江水發源於岷山孔子曰江出於汶山其

始出源可聞道潮頭一丈高天寒尚有沙痕在中冷南

畔石盤陀續張又新水記揚子江有中冷水為天下點茶第一古來出沒隨濤波試

登絕頂望鄉國江南江北青山多羈愁畏晚尋歸

楫山僧苦留看落日微風萬頃鞞紋細斷霞半空

魚尾赤體仁詩魴魚鱗尾是時江月初生魄二更月落天深

黑江心似有炬火明飛燄照山棲鳥驚革先生嘗言山林數澤晦

明之夜則野火生焉散布如人秉燭其色青異乎人火悵然歸臥心莫識非鬼非人

竟何物江山如此不歸山江神見怪驚我頑我謝

江神豈得已有田不歸如江水是夜所見如此援晉文公謂咎犯曰不與舅氏同心

者有如此水

甘露寺并序

欲遊甘露寺有二客相過遂與偕行寺有石如羊相傳謂之狼石云諸葛孔明坐其上與孫仲謀論

曹公也大鑊二案銘梁武帝所鑄畫師子一菩薩
 二陸探微筆衛公所留祠堂在寺手植柏合抱矣
 近寺僧發古殿基得舍利七粒并石記乃衛公為
 穆宗皇帝追福所葬者也

時甘露降此山因以名之

江山豈不好獨遊情易闌但有相攜人何必素所
 歡我欲訪甘露當塗無閒官二子舊不識欣然肯
 聯鞍古郡山為城層梯轉朱欄樓臺斷崖上地窄
 天水寬一覽吞數州山長江漫漫却望大明寺

大明寺在揚州

惟見煙中竿狼石臥庭下穹窿如伏鞭

次公鞭羊也史

記云貪如狼狼如羊

緬懷臥龍公挾策事瑠瓚

續徐庶謂先主曰諸葛孔明臥龍也援後漢史

商鞅挾三策以鑽孝公

一談收獅子

續曹公聞孫策平江東曰制兒難與爭鋒

再說走老瞞

續曹公小字阿瞞孔明說孫權與先主并力敗曹操於赤壁

名高有餘想事往無留觀蕭

公古鐵鑊相對空團團陂陀受百斛積雨生微瀾

泗水逸周鼎

援周鼎逸於泗水始皇求之弗得

渭城辭漢盤

援魏明帝遷承露盤金狄泣下

李賀作金銅仙人辭漢歌云攜盤獨出月荒涼渭城已遠波聲小

山川失故態怪此能獨完

僧繇六化人

仲達畫史云甘露寺張僧繇四菩薩長四尺一版長八尺許

霓衣挂冰紈隱見

十二疊觀者疑夸謬破版陸生畫

續陸探微南齊吳郡人鹿畫史云探微神面黃

口神采驚人

青猊戲盤跚上有二天人揮手如翔鸞筆墨

雖欲盡典刑垂不刊赫赫贊皇公

續李德裕其先贊皇公

英姿凜

以寒古柏親手種挺然誰敢干枝撐雲峰裂根入
 石窟蟠薙草得斷碑斬崖出金棺瘞藏豈不牢見

伏理可歎四雄皆龍虎次公四雄謂諸葛孔明孫仲謀蕭梁武帝贊皇公也遺迹儼

未刊方其盛壯時爭奪肯少安廢興屬造物遷逝

誰控搏子仁賈誼賦忽然為庸人兮何足控搏况彼妄庸子子仁前漢灌嬰熟視魏勃笑曰人言魏勃勇妄

而欲事所難古今共一軌後世徒辛酸聊興廣

武歎援阮籍登廣武觀楚漢戰處歎曰時無英雄使豎子成名不待雍門彈厚雍門周謂孟嘗君曰君百歲

之後高臺既已壞曲池既已斬豈不悲乎孟嘗君淚出承睫而未下雍門為之鼓琴遂感泣

遊靈隱寺李杞寺丞見和游孤山復用前

韻次公樂史寰宇記靈隱山以許由葛洪所隱本名稽宿山

君不見錢塘湖錢王壯觀今已無續錢王自鏐至做三世五王乘唐末起自民伍

有浙東之地歷五代朝貢不絕太祖龍興乃以其地歸有司而挈其族屬朝京師屋堆黃金斗量珠運

盡不勞折簡呼厚晉宣帝紀王凌面縛水次遙謂司馬宣王曰卿直以折簡召我我何敢不來而乃引軍來乎宣王

曰以卿非折簡可呼故也四方宦遊散其孥宮闕留與閒人娛盛衰

哀樂兩須臾何用多憂心鬱紆溪山處處皆可廬

最愛靈隱飛來孤德溥晏殊輿地志晉咸和元年西天僧慧理歎曰此是中天竺國靈鷲山之小嶺不知何年飛

來佛在世日多為仙靈之所隱今此亦復爾邪因挂錫造靈隱寺號飛來峰喬松百丈蒼髯須擾擾

下笑柳與蒲厚晉顧悅之與簡文同年而髮早白帝問其故曰松柏之姿經霜猶茂蒲柳之質望秋先零高堂

會食羅千夫撞鐘擊鼓喧朝晡凝香方丈眠氍毹

絕勝絮被縫海圖援杜詩海圖折波濤舊繡移曲折天吳及紫鳳顛倒在短褐清風時來

驚睡餘遂超羲皇傲几蘧次公陶潛清風颯至自謂羲皇上人續莊子伏羲几蘧歸時

棲雅正畢逋續漢桓帝時童謡曰城上烏尾畢逋公為吏子為徒孤煙落日不可摹

雨中遊天竺靈感觀音院人表圖經晉天福四年僧道翊一夕見山間光

明往視之得奇木乃命匠者孔仁謙刻觀音像治平中郡守蔡襄表其異事上之賜靈感觀音院額

蘇東坡詩集注卷五

蘇東坡詩集注卷五

蠶欲老麥半黃前山後山雨浪浪農夫輟耒女廢筐白衣仙人在高堂

宿臨安淨土寺

天祐臨安縣圖經淨土禪寺在縣南二里周顯德中吳越王錢氏建號光孝明

因寺大中祥符元年改賜今額

雞鳴發餘杭到寺已亭午次公梁元帝纂要日在午曰亭午參禪固未

暇飽食良先務平生睡不足急掃清風宇次公文選玉宇來清

風閉門羣動息次司空圖詩夜久羣動息香篆起煙縷覺來烹石

泉紫筍發輕乳晚涼沐浴罷衰髮稀可數浩歌出門去次公楚辭少司命云臨風恍兮浩歌子仁李白詩仰天大笑出門去莫色入邨隴微月半

隱山員荷爭瀉露相攜石橋山夜與故人語明朝

入山房善權臨安縣圖經真寂院在縣南二里天成元年吳越王錢氏建舊號山房院治平二年改賜今額在石鏡山東石

鏡炯當路昔照熊虎姿續吳越王錢鏐臨安人布衣時嘗照石鏡鏡起而聳戰彦忠唐地理志臨安有

石鏡山高二十六丈今為猿鳥顧興廢何足弔萬世一仰俯

自淨土寺步至功臣寺

明仲臨安圖經功臣山在縣南二里本名大官山吳

越王錢氏建為功臣院祥符元年改賜今額

落日岸葛巾晚風吹羽扇次公孔明葛巾羽扇指麾三軍松間野步穩

竹外飛橋轉神功鑿橫嶺巖石得巨片直渡千人

溝下有微流注玉父臨安縣圖經寺有溝名曰千人相傳錢氏役千人一日而成溝上橋以紫石為之徑闊各丈餘

岡巒蔚回合金碧爛明絢緬懷異姓王負擔此鄉

縣援郭璞天目山詩五百年生異姓王錢鏐自謂已應此運續吳越王少貧困負擔及其貴也以錦囊盛焉長逢跨下

辱厚韓信傳淮陰少年侮信曰能死刺我不能出跨下信熟視俯出跨下一市大笑屢乞桑間飯續左傳趙宣子

舍于醫桑見靈輒餓問之曰不食三日矣誰知山石頑識此希世彥凜然陰

氣逼屹起猶聳戰他年萬騎歸父老恣歡宴錦繡
被原野珠金散貧賤〔續〕繆為鎮東軍節度使封吳越王昭宗詔
升所居為衣錦城石鏡山曰衣錦山大官

山曰功臣山繆宴故老山林皆覆以錦作還鄉
歌曰玉節還鄉兮衣錦衣父老遠來相追隨
大將軍以五郡歸漢及隴蜀
平融為五郡太守奏事京師
冢容貌如生後豫發者見吳綱
曰君貌類長沙王但微短爾
寬饒曰富貴無常忽則易
人此如傳舍所閱人多矣
晉長明燈歲久火色變青而不熱隋
文平陳已訝其古矣而今猶不滅

秀州報本禪院鄉僧文長老方丈
萬里家山一夢中吳音漸已變兒童每逢蜀叟談
終日便覺峨眉翠埽空〔德操〕洞天記峨眉山
在嘉州係第七洞天
師已忘言真

有道我除搜句百無功明年採藥天台去〔幼槃〕洞天記
天台赤城山

獨遊富陽普照寺〔夢良〕圖經淨明院在縣北五里唐
號普照後廢石晉天福七年重建

更欲題詩滿浙東〔治平〕二年
改賜今額

富春真古邑此寺亦唐餘鶴老依喬木龍歸護賜
書連筒春水遠〔厚〕杜詩連
筒灌小園
出谷曉鐘疎欲繼江潮韻

次公宋之間遊江南靈隱寺夜月澄明獨行廊下因吟曰鷲嶺鬱岩堯龍
宮隱寂寥搜思久之不就有老僧坐大禪牀曰何吟之苦何不道樓觀滄
海日門對浙江潮宋歎警策逮明訪
之不復見寺僧知者曰此駱賓王也
何人為起予

自普照遊二菴〔饒〕富陽縣圖經延壽院在縣
北四里院前有東西二菴

長松吟風晚雨細東菴半掩西菴閉山行盡日不
逢人裊裊野梅香入袂居僧笑我戀清景自厭山
深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

深出無計我雖愛山亦自笑獨往神傷後難繼〔厚〕

粲妻止不哭而神傷杜詩神傷山徑深不如西湖飲美酒紅杏碧桃香覆髻

作詩寄謝采薇翁本不避人那避世

佛日山榮長老方丈五絕韓杭州圖經淨惠禪院在永和鄉天福七年吳

越王錢氏建舊額佛日院祥符元年改今額

陶令思歸久未成遠公不出但聞名次公廬山惠遠大師出不過虎溪因

送陶淵明而過此溪山中只有蒼髯叟數里蕭蕭管送迎

千株玉槩攬雲立一穗珠旒落鏡寒何處霜眉碧

眼客結為三友冷相看

東麓雲根露角牙細泉幽咽走金沙不堪土肉埋

山骨未放蒼龍浴渥洼申之退之詩蒼龍露角牙次公石鼎聯句巧匠琢山骨前漢元狩三年馬生渥

注水中作歌云今安匹龍為友

食罷茶甌未要深清風一榻抵千金腹搖鼻息庭

花落還盡平生未足心次公孫樵乞巧對偃然就寢腹搖鼻息夢到鄉國槐花撲庭

日射回廊午枕明水沈銷盡碧煙橫山人睡覺無

人見只有飛蚤繞鬢鳴次公唐何諷夢渴賦窗日斜照飛蚤繞鬢

宿海會寺

持晦臨安縣圖經海會寺在縣西去縣二里梁大同中建號竹林寺祥符中改賜今額

籃輿三日山中行厚晉陶潛傳王弘邀潛還州問其所乘答云素有脚疾向乘籃輿亦足自反山中

信美少曠平厚王仲宣登樓賦雖信美而非吾土兮曾何足以少留下投黃泉上青冥

重樓束縛遭澗坑兩股酸哀饑腸鳴北渡飛橋踏

彭鏗繚垣百步如古城師西都賦西郊則有大園禁苑繚以周牆四百餘里大鐘一撞

千指迎高堂延客夜不扃杉槽漆斛江湖傾師杉槽漆斛謂

浴室也本來無垢洗更輕堯卿襄州鷲嶺善本禪師因入浴室有僧問和尚是離垢底人為什麼却浴師曰定

水湛然滿浴此無垢人倒牀鼻息四鄰驚次公石鼎聯句序云道士倚牆睡鼻息如雷鳴統如五

鼓天未明厚晉鄧攸傳吳人歌曰統如打五鼓雞鳴天欲曙木魚呼粥亮且清次公鬼詩

夜闌寂已清長笛亮且鳴不聞人聲聞履聲次公漢哀帝曰我識鄭尚書履聲

夜至永樂文長老院文時臥病退院李彭富陽圖經

永樂寺在縣東北六里

夜聞巴叟臥荒邨來打三更月下門往事過年如

昨日此身未死得重論老非懷土情相得病不開

堂道益尊惟有孤棲舊時鶴舉頭見客似長言

虎丘寺

續先名海湧山吳越春秋闔閭葬國西發五都之士十萬人作冢銅棺三重水銀為池金玉為鳧雁扁諸之劍三千繫郢魚腸在焉葬後三日金精之氣上揚化為虎踞其墳故號虎丘寺在蘇州

入門無平田石路細穿嶺陰風生澗壑古木翳潭

井湛盧誰復見續吳越春秋越王允常使歐冶子鑄五劍曰純鉤湛盧豪曹魚腸巨闕以湛盧獻吳公子光以弒

其君僚湛盧夜飛入楚秋水光耿耿鐵花秀巖壁饒寺中有鐵花巖在劍池之側殺

氣噤蛙黷幽幽生公堂左右主頑曠當年或未信

異類服精猛厚十道四蕃志生公異僧竺道生也講經於此人無信者乃聚石為徒與談至理石皆點頭寺有生公禪堂

胡為百歲後仙鬼互馳騁窈然留清詩讀者為悲

哽次公清遠道士與沈恭子同游虎丘寺有詩歷論商周及近代二千年事顏真卿為之刻石又鬼詩云青松多悲風蕭蕭清且哀白日徒昭昭

不照長夜臺李道昌為刺史奏其事陸龜蒙皮日休松陵唱和皆及之東軒有佳致呂寺中有佳致軒在池堂之東

雲水麗千頃熙熙覽生物春意破淒冷我來屬無

事暖日相與永厚杜詩蒹葭離披去天水與相承喜鵲翻初旦愁為蹲

落景坐見漁樵還新月溪上影悟彼良自怡歸田

行可請

遊淨居院

并序

寺在光山縣南四十里大蘇山之南小蘇山之北
寺僧居仁為余言齊天保中僧思惠過此見父老
問其姓曰蘇氏又得二山名歎曰吾師告我遇三
蘇則住遂留結菴而父老竟無有蓋山神也其後
僧智顛見思於此山而得法焉則世所謂思大和
尚智者大師是也唐神龍中道岸禪師始建寺於
其地廣明康子之亂寺廢於兵火至乾興中乃復
而賜名曰梵天云

十載遊名山自製山中衣

次公楚辭製芰荷以為衣

願言畢昏嫁

續向平男

女嫁娶既畢勅斷家事勿復相關遂肆意游名山不知所終

攜手老翠微

次公爾雅山未及上曰翠微

不悟俗

緣在失身蹈危機

續晉書諸葛長民云貧賤常思富貴富貴必履危機

刑名非宿學

子仁揚子刑名非道邪何自然也

陷穽損積威

厚司馬遷答任安書猛虎在深山百獸震恐及其在陷穽之中搖尾

而求食積威約之漸也

遂恐死生隔永與雲山違今日復何日芒

鞵自輕飛稽首兩足尊

次公福足慧足謂之兩足尊

舉頭雙涕揮靈

山會未散八部猶光輝

援佛說法靈山天龍八部來會

願從二聖往一

洗萬劫非徘徊竹溪月空翠搖煙霏

子仁王維詩空翠濕人衣

聲自送客出谷猶依依回首吾家山歲晚將焉歸

少年時嘗過一邨院見壁上有詩云夜涼

疑有兩院靜似無僧不知何人作也宿黃

州禪智寺寺僧皆不在夜半兩作尚記此

詩故作一絕

佛燈漸暗饑鼠出山雨忽來修竹鳴知是何人舊
詩句已應知我此時情

定惠院寓居月夜偶出

幽人無事不出門偶逐東風轉良夜參差玉宇飛
木末繚繞香煙來月下江雲有態清自媚竹露無
聲浩如瀉已驚弱柳萬絲垂尚有殘梅一枝亞清
詩獨吟還自和白酒已盡誰能借不辭青春忽忽
過但恐歡意年年謝自知醉耳愛松風會揀霜林
結茅舍浮浮大甑長炊玉次公詩烝之浮浮溜溜小槽如壓
蔗次公李賀詩小槽酒滴珍珠紅飲中真味老更濃醉裏狂言醒可怕

但當謝客對妻子倒冠落佩從嘲罵續杜牧望故園賦倒冠落佩兮與世

次韻前篇

去年花落在徐州對月酣歌美清夜去年徐州花下對月與張居厚王子

門風露下萬事如花不可期餘年似酒那禁瀉憶中兄弟飲酒作蘋字韻詩厚陶淵明詩佳人美清夜達曙酣且歌

昔還鄉泝巴峽落帆樊口高桅亞子仁韓詩大帆夜劃窮高桅長江

滾滾空自流白髮紛紛寧少借竟無五畝繼沮溺

空有千篇凌鮑謝次公杜詩賦詩何必多往往凌鮑謝至今歸計負雲山

未免孤衾眠客舍少年辛苦真食蓼續傳食蓼之虫老景清

閒如啖蔗援晉書顧愷之食蔗必自末至本或怪之云漸入佳境饑寒未至且安居憂

蘇東坡詩集卷之三

惠已空猶夢怕穿花踏月飲邨酒免使醉歸官長

罵厚杜詩醉即騎馬歸頗遭官長罵

安國寺浴欽夫先生寺記云寺立於偽唐保大二年始名護國嘉祐八年賜今名

老來百事嬾身垢猶念浴衰髮不到耳子仁杜詩白頭亂髮不到耳

尚煩月一沐山城足薪炭煙霧濛暘谷塵垢能幾

何翛然脫羈梏披衣坐小閣散髮臨脩竹心困萬

緣空身安一牀足豈惟忘清淨兼以洗榮辱默歸

無多談子仁漢楊惲書云方今漢德隆盛願勉旃無多談此理觀要熟

遊武昌寒溪西山寺次公樂史寰宇記武昌縣樊山亦曰樊岡下有寒溪中有蟠龍石

連山蟠武昌次公杜詩連山抱西南翠木蔚樊口共文志林記樊山云自余所居臨皋亭下亂流

我來已百日欲濟空搔首次公詩愛而不見搔首踟躕坐看鷗鳥

而西泊於樊山為樊口

沒次公杜詩白鷗沒浩蕩夢逐麈麈走今朝橫江來一葦寄衰朽次公

詩誰謂河廣一葦杭之高談破巨浪次公南史宗慤云願乘長風破萬里浪飛屨輕重阜

去人曾幾何絕壁寒溪吼風泉兩部樂續南史孔珪字德璋不樂世務

門庭之內草萊不翦中有蛙鳴或問曰欲為陳蕃乎珪笑曰我以此當兩部鼓吹何必效蕃

徐行欣有得芝朮在蓬莠次公史蓬蒿藜莠西上九曲亭

子仁子由九曲亭記子瞻遷于齊安齊安無名山而江之南武昌諸山中有浮圖精舍西曰西山東曰寒溪將適西山行於松柏之間羊腸九曲而

獲少平有廢亭焉其遺址甚狹不足以席衆客子瞻與客入山相與營之亭成而西山之勝始具衆山皆培塿次公培塿無松柏却看江北路雲水渺何有離離見吳宮莽莽

真楚藪空傳孫郎石次公素術言孫策曰使術有子如孫郎死復何恨其後士民皆呼策為孫郎又孫楚

欲枕流漱石無復陶公柳厚陶侃性纖密好問頗類趙廣漢嘗課諸營種柳都尉夏施盜官柳植之於已門侃後見駐車

問曰此是武昌西門前柳何因盜來此種施惶怖謝罪無逸陶潛號五柳先生邇來風流人惟有漫浪

蘇東坡詩集卷之三

叟〔續〕元結作自釋一篇言將家漢濱乃自稱浪士及有官人以為浪者亦漫為官乎呼為漫郎既客樊上漫遂顯焉又其文云漫浪於人間結嘗遊寒溪有買田吾已決乳水况空酒〔次公〕乳水即次山

所須修竹林深處安井臼〔厚〕後漢馮衍妻相將踏勝絕更裏三日糗

定惠院顓師為余竹下開嘯軒

鷓鴣催天明喧喧相詆譙〔任〕楚辭鷓鴣先鳴兮使夫百州之不芳暗蛩泣夜

永唧唧自相弔〔子仁〕韓詩蟲弔寒夜永飲風蟬至潔長吟不改調

食土蚓無腸亦自終夕叫〔次公〕荀子云蚓

為貪殺最鄙鵲喜意可料〔次公〕

慟哭等嬉笑〔續〕退之送孟郊序大凡物不得其平則鳴

皆緣不平鳴〔子仁〕晉阮籍傳籍嘗於蘇門山遇孫登與商略終古及棲神導氣之術登皆不應因長嘯而退至半嶺間有聲若鸞鳳之音乃登嘯也

生已疎狂孫子亦未妙道人開此軒清坐默自照

衝風振河海不能號無竅〔厚〕莊子大塊噫氣其名為風是唯無作則萬竅怒號累盡

吾何言風來竹自嘯〔師〕說文竹得風其體天屈如人之笑

石埭寺

世傳王播飯後鐘詩蓋揚州石埭寺事也相傳如

此戲作此詩

饑眼眩西東詩腸忘蚤晏雖知燈是火不悟鐘非

飯〔次公〕小說唐王播少孤貧客木蘭院隨僧齋粥僧厭苦之飯後擊鐘其後播鎮揚州訪舊處題詩曰上堂已了各西東慚媿聞黎飯後鐘諺云

山僧異漂母〔續〕前漢韓信微時往城下釣有一漂母哀之飯信竟漂數十日信謂漂母曰吾必重

但可供一莞胡為三十年記〔厚〕前漢陳平諫高祖曰今楚兵罷食

憶作此訛齋廚養若人無益祇遺患

盡此天亡之時不因而取之此養虎自遺患也續播相穆宗時權倖競乃

進播賴其力至宰相專務將迎居位無所裨益復失河北眾望不厭

知飯後鐘閣黎蓋具眼厚傳燈錄鄧州丹霞禪師有僧於山下見師師問僧什麼處宿云山下宿師曰

什麼處飯曰山下喫飯師曰將飯與閣黎喫底人還具眼者也

月華寺寺鄰岑水場施者皆院戶也百年間蓋三焚矣

天公胡為不自憐結土融石為銅山萬人采斲富

媪泣祇有金帛資豪姦脫身獻佛意可料一瓦坐

待千金還月華三火豈天意至今茇舍依榛菅厚禮大司馬仲夏教茇舍

僧言此地本龍象次公龍象佛書謂有力可以負荷者也廢興反

掌曾何艱高巖夜吐金碧氣曹杜詩潤聚金碧氣清無砂土痕曉得異

石青爛斑坑流窟發錢湧地莫施百鎰朝千鍰厚子饋兼金百鎰而不受書呂刑其罰千鍰

此山出寶以自賊地脈已斷天應慳

續史記蒙恬臨死曰起臨洮屬之遼東城塹萬餘里此其中不能無絕地脈哉我願銅山化南畝爛熳

黍麥蘇惇鰥道人修道要底物破鐺煮飯茹三間

厚傳燈錄無業國師曰看他古得道人得意之後茹茇石室向折脚鐺子裏煮飯喫過三十二年又杭州廣嚴院咸澤禪師僧問如何是嚴家風師

曰一鴉白雲三間茆屋

南華寺

云何見祖師要識本來面厚傳燈錄道明禪師聞五祖密付衣蓋與盧行者即躡迹追逐至庾嶺曰我來求法願行者開示於我祖曰不思善不思惡正恁麼時那箇是明上座本來面目師當下大悟亭亭堦中人問

我何所見可憐明上座萬法了一電續佛書一切有為法如夢幻泡影如

露亦飲水既自知援傳燈錄如人飲水冷暖自知指月無復眩厚楞嚴經如人

彼人因指當應看月若復觀指以月為體此人豈惟亡失月輪亦亡其指我本修行人三世積精鍊

中間一念失受此百年謹摳衣禮真相厚禮記摳衣趨隅必慎唯諾

文蔚堂

感動淚雨霰借師錫端泉

厚傳燈錄六祖初住曹溪卓錫泉湧清涼甘滑贍足大眾

洗我

綺語硯

峽山寺

傳奇所記孫恪袁氏事即此寺至今有人見白猿者

天開清遠峽

次公郭璞江賦豁若天開

地轉凝碧灣我行無遲速攝

衣步孱顏山僧本幽獨乞食况未還雲確水自春

厚白樂天詩藥爐有火丹應伏雲確無人水自春注云廬山多雲母故以水確搗煉俗呼為雲確

松門風為關

厚

義之游四郡記永寧縣界海中有松門

石泉解娛客琴筑鳴空山

邠老白樂天廬山州堂記堂東

有瀑布水夜中如環珮琴筑聲

佳人劍翁孫

厚吳越春秋越王問劍於處女處女將見王道逢袁公公曰聞子善劍術女子

曰願試也公即挽以刺女女舉杖擊之公即上樹化而為白猿

遊戲暫人間忽憶嘯雲侶賦

詩留玉環

次公傳奇廣德中有孫恪者遊洛中遇袁氏女遂納為室後十餘年同至峽山寺袁氏欣然改服理鬢詣老僧乃持

一碧玉環獻僧曰此是院舊物僧初不曉及齋罷有野猿數十悲嘯捫蘿而躍袁氏惻然俄命筆題詩云無端變化幾湮沈剛被恩情役此心不如

逐伴歸山去長嘯一聲烟霧深詩畢遂裂衣化為老猿追嘯者躍樹而去老僧方悟曰乃貧道為沙門時所養者碧玉環則胡人所施繫於其頸者

林深不可見霧雨埋髻鬟

廣州蒲澗寺

地產菖蒲十二節相傳安期生之故居始皇訪之於此

不用山僧導我前自尋雲外出山泉

厚杜詩在山泉水清出山泉水濁

千章古木臨無地

次公大材曰章前漢百官表有主章之官又貨殖傳云山居千章之楸也王簡頭陀寺碑云飛

閣迤邐下臨無地

百尺飛濤瀉漏天

次公漏天是地名在黎州以其多雨故曰漏天

昔日菖

蒲方士宅後來蒼筤祖師禪

續維摩經云如人入蒼筤林中唯顛蒼筤不顛餘香雲卿

香譜曰梔子香出大食國即佛書所謂蒼筤也厚傳燈錄仰山謂香巖禪師曰汝只得如來禪未得祖師禪

而今只有花

含笑笑道秦皇欲學仙

山中多含笑花靈先遜齋閒覽云南方花木北地所無者大含笑小含笑其花

常若菡萏之未敷者故有含笑之名

遊博羅香積寺

并引駒父白鶴故居圖香積寺在惠州博羅縣西山下

寺去縣七里三山犬牙夾道皆美田麥禾甚茂寺

下谿水可作碓磨若築塘百步聞而落之可轉兩

輪舉四杵也以屬縣令林抃使督成之抃字天和

二年流落鼃魚鄉厚國語范蠡謂王孫雒曰昔我先君固周室之不成子也故濱於東海之陂魚鼃之與處

而鼃龜朝來喜見麥吐芒東風搖波舞淨綠次公柳子厚詩麥芒

際天搖碧波初日泫露酣嬌黃次公謝靈運詩花上露猶泫汪汪春泥已沒

膝剡剡秋穀初分秧誰言萬里出無友見此二美

喜欲狂三山屏擁僧舍小一谿雷轉松陰涼駒父白鶴故居

脈增隄防霏霏落雪看收麩隱隱壘鼓聞春糠散

流一啜雲子白次公漢武帝外傳太上之藥則有風實雲子金精玉液炊裂十字瓊肌

香厚晉何曾性豪侈每燕見不食太官所設帝輒命取其食蒸餅上不拆作十字則不食也豈惟牢九薦古

味東哲餅賦饅頭薄持起搜牢九要使真一流天漿詩成捧腹便絕倒

次公史記日者傳司馬季主捧腹大笑晉書衛玠談道平子絕倒書生說食真膏肓次公左傳晉疾病在膏之上

膏之下

與正輔遊香積寺

越山少松竹常苦野火厄此峰獨蒼然感荷佛祖

力茯苓無人采千歲化琥珀厚本州注松脂入地千年為茯苓又千年為琥珀幽光

發中夜見者惟木客次公木客廣南山中有之蓋野人與鬼之類也我豈無長鏡

續杜詩長鏡長鏡白木柄我生託子以為命真贗苦難識次公退之詩前計頓乖張居然見真贗靈苗與

毒艸疑似在毫髮把玩竟不食棄置長太息山僧

類有道辛苦嘗谷汲厚前漢地理志號會之地土陘而險山居谷汲我慙作機春

次公傳曰杵臼
之智不及機春
鑿破混沌穴
續莊子儵與忽相遇於混沌之地謀報混沌之德曰人皆有七竅此獨無有嘗試鑿之日鑿一竅七日而混沌死
幽尋恐不繼書板記歲月

次韻高要令劉湜峽山寺見寄
次公古謂之高要郡有高要峽焉

新聞妙無多舊學閒可束猶當隱季主
續司馬季主卜於長安市

遽逃梅福
厚梅福字子真為九江尉後逃入海上人見其為吳市門卒
空腸吐餘思靜似

蠶綴族寸田結初果
次公寸田道家所謂丹田也
秀若銅生綠
厚本草生銅皆

有青蓋銅之精華也
荆棘埽誠盡黎棗憂不熟
續真誥王夫人謂許長史曰交黎火棗是飛騰之藥要使生於胸中今君胸中荆棘埽除未盡是以黎棗不生也
高人寧鑄金
次公劉向得鴻寶書言能鑄金而不

成也
下士乃服玉
厚抱朴子服玉當得于閩白玉赤松子服水玉得仙也
君看嶺嶠隘我

欲巾笥蓄曾攀羅浮頂亦到朱明谷旋觀真歷塊

次公王褒云駿馬之感猶歷塊也
歸臥甘破屋故人老猶仕世味薄如

穀
子仁退之詩吾老世味薄
偶從越女笑
厚退之詩洪濤春天禹穴幽越女一笑三年留
不怕蠻江

浴驚聞尺書到喜有新詩辱應憐五管客
援莊子頤隱於齊肩

高於頂句贅指天上有五管也
厚退之詩五管徧歷無賢侯
曾作八州督
厚晉書陶侃字士行嘗如廁見一人朱衣介幘

斂袂曰君後當為
骨銷讒口鑠
續史記鄒陽書衆口鑠金
膽破獄吏酷
厚南

史王融矯詔立竟陵王子良太學生魏準鼓成其事及融誅準懼而死舉體皆青時以為膽破
隴雲不易寄
援陶弘景詩山

中何所有隴上多白雲只
江月乃可劑
厚唐于良史春山夜月詩剉水月在手
遙知

清遠寺不稱空洞腹
續晉王導嘗指周顛腹曰此中何有答曰空洞無物然可容卿輩數百人
蹇驢

步武碎短瑟絃柱促仰看泉落佩俯聽石響轂千

峰瀉清駛一往無回躅狂雷失晤語過電不容目

要知僧長飢正坐山少肉
次公傳燈錄司馬頭陀自湖南來百丈謂之曰老僧欲住瀉山可乎

蘇東坡詩集卷之三

蘇東坡詩集卷之三

蘇東坡詩集卷之三

蘇東坡詩集卷之三

六頁七
對曰瀉山奇絕可聚千五百眾然非和尚所住百丈云何
謂也對云和尚是骨人彼是肉山設居之徒不盈千百矣
人閒無南

北蝸角空出縮仇池九十九仇池有九十九泉嵩少三十余嘗夢至有詩

六子由近買田陽翟天人同一夢仙凡無兩錄陋邦真可

老生理亦粗足便回熱天燄長作照海燭黃魯直寄詩云蓮花

合裏一寸燭牝馬海中燒百川魯直蓋近有得也次公退之詩居然妄推讓見謂熱天燄

入寺

曳杖入寺門輯杖揖世尊次公禮記孔子曳杖而歌我是玉堂仙謫

來海南邨多生宿業盡一氣中夜存厚楚辭一氣孔神兮於中夜存旦

隨老鷄起饑食扶桑暎光員摩尼珠照曜玻璃盆

來從佛印可厚維摩經言若能如是坐者佛所印可稍覺魔忙奔閒看樹轉

午坐到鐘鳴昏收斂平生心耿耿聊自温

留題顯聖寺

渺渺疎林集晚雅孤邨煙火梵王家幽人自種千

頭橘續李衡種橘於龍陽洲謂其子曰吾洲中有千頭木奴遠客來尋百結花厚首楞嚴經阿難白

佛言世尊比寶壘華絹續成巾雖本一體如我思惟如來一縮得一結名若百結成終名百結若拙江南人謂丁香為百結浮石已

乾霜後水焦坑閒試雨前茶祇疑歸夢西南去翠

竹江邨遶白沙次公杜詩白沙翠竹江邨路相對柴門月色新

留題仙都觀

山前江水流浩浩山上蒼蒼松柏老舟中行客去

紛紛古今換易如秋草空山樓觀何崢嶸真人王

遠陰長生子仁王方平陰長生皆在此山學道得仙者飛符御氣朝百靈悟道

不復誦黃庭龍車虎駕來下迎去如旋風搏紫清

真人厭世不回顧世間生死如朝莫學仙度世豈
無人餐霞絕粒長辛苦安得獨從逍遙君冷然乘
風駕浮雲超世無有我獨行

過木櫪觀

子仁老泉詩序云許旌陽得道之所舟人不以
相告既過至武寧縣乃得其事縣人云許旌陽
棺椁猶在山上旌陽許
邁也嘗為旌陽縣令

石壁高千尺微蹤遠欲無飛簷如劍寺

出劍門東望上
寺宇髣髴可見

古柏似仙都許子嘗高遁行舟悔不迂斬蛟聞猛

烈提劍想崎嶇

任許旌陽斬蛟於洪
州即西江所經也

寂莫棺猶在修崇世

已愚隱居人不識化去俗爭吁洞府煙霞遠人間

爪髮枯飄飄乘倒景誰復顧遺軀

留題峽州甘泉寺

姜詩
故居

輕舟橫江來弔古悲純孝逶迤尋遠跡婉孌見遺
貌清泉不可挹涸盡空石窖古人飄何之唯有風
竹鬧行行玩邨落戶戶懸網罩民風坦和平開戶
夜無鈔叢林富筍茹平野絕虎豹嗟哉此樂鄉無
乃姜子教任姜詩妻龐氏事母至孝妻奉順尤謹後汲江水值風不
時得還母渴詩責而遣之妻乃寄止鄰舍晝夜紡績市珍
羞使鄰母以意自遺姑久之姑怪
問鄰母鄰母具對姑感慚呼歸

寄題清溪寺

口舌安足恃韓非死說難

續太史公曰韓非作
說難而卒死於說難

自知不可

用鬼谷乃真姦遺書今未亡小數不足觀

續劉向七
略有鬼谷

子儀秦固新學

續蘇秦張儀皆
學於鬼谷子

見利不知患嗟時無桓

文使彼二子顛死敗無足怪夫子固使然君看巧

更窮不若愚自安遺宮若有神頷首然吾言

雙鳧觀在葉縣

王喬古仙子時出觀人寰常為漢郎吏厭世去無
還雙鳧偶為戲聊以驚世頑不然神仙跡羅網安
能攀任後漢王喬有神術為葉令每朔望來朝明帝怪之令太史伺望
輒有雙鳧從東來羅之得雙鳧焉詔尚方診視乃前所賜履舄也
紛紛塵埃中銅印紆青綸也安知無隱者竊笑彼
愚茲

題惠州靈惠院

直視無前氣吐虹五湖三島在胷中相逢莫怪不
相揖只見山僧不見公

泗州僧伽塔

我昔南行舟繫汴逆風三日沙吹面次公杜詩步
壑風吹面舟人

共勸禱靈塔香火未收旗脚轉回頭頃刻失長橋
却到龜山未朝飯至人無心何厚薄我自懷私欣
所便耕田欲雨刈欲晴去得順風來者怨若使人
人禱輒遂造物應須日千變我今身世兩悠悠去
無所逐來無戀得行固願留不惡每到有求神亦
倦退之舊云三百尺澄觀所營今已換續退之澄觀詩
火燒水轉掃地

遶淮甸次公北山移文云請回俗
士駕杜詩著處覓丹梯不嫌俗士汗丹梯一看雲山

北寺悟空禪師塔名齊安宣宗微時師知其非凡人
無逸鹽官圖經安國寺在縣西北

六百五十步祥符元年改今額寺
中有悟空塔前有古檜存焉

已將世界等微塵空裏浮花夢裏身

援華嚴經如目翳人見空中花子仁

圓覺經譬彼病目見空中花

豈為龍顏更分別

次公前漢高祖為人隆準而龍顏

只應天眼

識天人

次公邯鄲淳見曹植曰真人也

遊靈隱高峰塔

肅之武林山記北高峰在靈隱寺後山山有塔記云唐天寶中邑人建高七級

言遊高峰塔蓐食治野裝

援韓信嘗寄食南昌亭亭長妻厭之乃晨炊蓐食

火雲

秋未衰

師杜詩火雲洗月露

及此初旦涼霧霏巖谷暗日出艸

木香嘉我同來人久便雲水鄉相勸小舉足前路

高且長古松攀龍蛇怪石坐牛羊漸聞鐘磬音飛

鳥皆下翔入門空有無雲海浩茫茫惟見聾道人

老病時絕糧問年笑不答但指穴藜牀

厚管寧自越海歸家貧常晏坐

一藜牀積五十餘年為學不倦牀上當膝處皆穿

心知不復來欲歸更傷惶贈別畱

匹布今歲天早霜

題西林壁

子仁廬山記舊名西林與國中賜今額

橫看成嶺側成峰遠近高低無一

一作總不

同不識廬山

真面目只緣身在此山中

六和寺沖師開山溪為水軒

欲放清溪自在流

子仁杜詩江流大自在

忍教冰雪落沙洲出山

定被江潮沓能為山僧更少留

道者院池上作

下馬逢佳客攜壺傍小池清風亂荷葉細雨出魚

兒

厚杜詩細雨魚兒出微風燕子斜

井好能冰齒茶甘不上眉歸塗更蓄

瑟真箇解催詩

厚杜詩片雲頭上黑應是兩催詩

吉祥寺僧求閣名

過眼榮枯電與風久長那得似花紅上人宴坐觀
空閣觀色觀空色即空

南寺千佛閣

古邑居民半海濤師來構築便能高千金用盡身

無事

次公李白詩千金散盡還復來

坐看香煙遶白毫

法惠寺橫翠閣

子仁杭州圖經法惠寺在天井巷吳越王錢氏建舊額與慶寺治平二年改賜

今額

朝見吳山橫莫見吳山從吳山故多態轉側為君
容幽人起朱閣空洞更無物惟有千步岡東西作
廉額春來故國歸無期人言秋悲春更悲已沉平

湖思濯錦更看橫翠憶峨眉

次公濯錦成都濯錦江也峨眉嘉州峨眉山也

雕闌

能得幾時好不獨憑闌人易老百年興廢更堪哀
懸知草莽化池臺遊人尋我舊遊處但覓吳山橫
處來

壽星院寒碧軒

敬夫圖經錢塘靈隱天竺寺內壽星院晉天福八年建其亭館有寒碧軒

清風肅肅搖窗扉窗前修竹一尺圍紛紛蒼雪落

夏簟冉冉綠霧霑人衣

援杜詩無使霜露霑人衣

日高山蟬抱葉響

人靜翠羽穿林飛道人絕粒對寒碧為問鶴骨何
緣肥

西湖壽星院此君軒

臥聽謾謾碎龍鱗俯看蒼蒼立玉身一舸鴟夷江

海去

續范蠡既破吳乃浮扁舟游江湖變姓名至齊號鴟夷子皮

尚餘君子六千人

厚吳越相攻越

王勾踐以其私君子六千人為中軍

常州太平寺法華院蒼筤亭醉題

六花蒼筤林間佛九節菖蒲石上仙

續維摩經言如入蒼筤林中唯與蒼筤不

與餘香蒼筤菡子花也其花六出韓眾服菖蒲得仙須生石上一寸九節者

何似東坡鐵拄杖一時

驚散野狐禪

扶風天和寺

遠望若可愛朱闌碧瓦溝聊為一駐足且慰百回

頭水落見山石塵高昏市樓臨風莫長嘯遺涕浩

難收

山光寺回次芝上人韻

鬧裏清游借隙光醉時真境發天藏夢回拾得吹

來句十里南風艸木香

元祐五年十二月十二日同景文義伯聖塗

次元伯固仲蒙遊七寶寺題竹上

結根豈殊眾修柯獨出林孤高不可恃歲晚霜風

侵

題淨因壁

暝倚蒲團臥盃囊半窗疎箔度微涼蕉心不展待

時雨葵葉為誰傾夕陽

真興寺閣禱雨

太守親從千騎禱神翁遠借一盃清雲陰黯黯將

文蔚堂

二百八
蘇東坡詩集注卷二十三
三
天
噓遍雨意昏昏欲醞成已覺微風吹袂冷不堪殘
日傍山明今年秋熟君知否應向江南飽食秔

陸蓮菴

何妨紅粉唱迎仙來伴山僧到處禪陸地生花安
足怪而今更有火中蓮

大老寺竹閒閣子

殘花帶葉暗新筍出林香但見竹陰綠不知沂水
黃樹高傾隴鳥池浚落河魴栽種良辛苦孤僧瘦
欲甦

蘇東坡詩集注卷第二十三

